

САР ЭРЕ ВЎРАН ЛИЕШ

2014 ийыште Украиньште властым Российлан тореш шогышо вий налын. Кугыжанышым унчыли савырыме дене Донецк, Луганск калык шке келшыдымыжым ончыктен. Ситуаций Донбассыште 2021 ий шыжымак пўсемаш тўнгалын. А 2022 ийыште нине республикым вуйлатыше-влак Россий деч польшымы да тудын составышкыже пурташ йодыныт. Тыге, 2022 ий 30 сентябрьыште Российын Президентше Владимир Путин ден ДНР, ЛНР, Запорожье ден Херсон область-влак нине регион-влакым Российын составышкыже пуртымо нерген тўнямбал договор йымалан кидыштым пыштеныт. 24 февральыште Путин специальный военный операций тўналме нерген увертарен. Марий Эл Республикат мобилизаций дечын ёрдыжеш кодын огыл. Тыгак шке кумылын кайыше-влакат сенымашым таптымашке шке надырыштым пыштат. Нунын кокла гыч иктыж дене меат ужын кутырышна.

Лопнур ялын почшыжо Олег Аркадьевич Ивановын (шкеже вара Тыгыде Морко ялеш суртым нёлтен) Украин гыч толмыжлан жап але шукат эртен огыл. Тудын ийготшат ынде изи огыл. 50 ийым темыше тымагле марий. Сойышкё шке кумылын кайыме амалжым пален налаш да кызытсе саманын икшывыжлан шкеак сарын кочо шикшыжым ужшо айдеме дене кутыраш күлешлан шотлышым.

- Рвезе-влак шукын кайышт мемнан кундем гыч, шотлымем почеш 13 ен лекте. А мо, мыйже ом керт мо, шонышым. Контрактым ныл тылзылан кучышым. Южышт окса нерген да мойн мутым луктын кертыт. Пашаже оксаите огыл шол. Тыге шонышыжо мыланем але вашлиялтын огытыл ыле. Меат окса дечын посна илыме огыл. Надя пелашем «Звениговский» совхозышто пашам ышта. Мыят Москвашке вахте дене коштынам.



Оксалан лийын кает гын, вучыдымын ўмырет кўрылтеш гын, тунам вара ниможат ок кўл.

Вес амалже – Павел эргым. Тудат СВО-што кредалеш, офицер. Коркатово гыч Советский районысо Ургакш поселкышто кадет семын тунемын. Вара связь академийыште шинчымашым налын. 1 март гычак Украиньшке каен улмаш. Сентябрь марте

кушто лиймыжым паленат огынал. Границыште уламанын шкеже. А тудо консузитлалтын да сусырген улмаш. Аважат, мыят пешак тургыжланышна. Кунам отшоно, сар тудо пайрем огыл вет.

Павел Олеговичлан эрге дене вашлияш садак пиал шыргыжалын огыл. Тудо воктенак лийын, но «паша» чот шыгырлан верчын, инженерно-саперный ротын салтакше О.А.Иванов манмыла, «унала» кошташ жапышт йёршынат лийын огыл.

Лишыл ен манмаште, изажын Денис эргыжат сусырген толын. Тыге лектеш, тукумыштышт кум ен пошкудо элым аралаш шогалын.

Кутырен шинчыме годем О.А.Иванов нерген тебе мо рашеме. 8 класс марте тудо Волаксола школышто тунемын. Кыдалаш образованийым Кумыжъял

школышто налын. Вара – армий. Сержант школышто шинчымашым поген. Армий дечын вара Карл Маркс лўмеш колхозышто трактористлан ыштен. А кызытше тебе тынеш профессиональный военный специальность вашталтен да тудо йолташыже-влак дене пырля саперын пашажым шуктен, блиндаж-влакым чожен.

- Колымашлан нигунам тунем от шу маныт гынат, коваште кўжгемеш улмаш. Сар манын, шортын шинчаш огеш лий. Тудо эре вўран лиеш. Кызыт тебе эшеат чот тале кредалмаш кая. Артиллерий чот лупша. Но тушто кодшо йолташем-влак кокла гыч иктат вуйым ок саке. Нуно кызытат омешем кончат. Тўрлө верла гыч толшо тўрлө калык дене пырля лияш логалын. Улыт ыле Урал гычат, Новосибирск гычат, бурят-шамычат.

Сарын мучашыже тачат уке. Касвел эл-влак, тулутышко пум кышкен шогымо семын, вооруженийым тугак колтен шогат.

Светлана ПОЛАТОВА
Снимкыште: О.А.Иванов (покшелне).